

EX P L V T A R C H O
D E N V G A C I T A T E
O P V S C V L V M H O C V E R,
T E B A T I O A N N E S
L A V R E N T I V S
V E N E T V S.

EXPLANATION
OF THE
OFFICIAL RECORDS
OF THE
FEDERAL GOVERNMENT
OF THE UNITED STATES
OF AMERICA

PLVTARCHVS DE NVGACITATE
INTERPRETE IO. LAV,
RENTIO VENETO.

Em omnino grauem, difficilemq; suscipit
r Philosophia, dum nugacitatē sanare uelle
profitetur. Eius enim medicina, & pharma/
cum sermo est, qui ad audiētes pertinet. nugaces uero,
dum semper loquuntur, neminem audiunt, & primum
hoc, peculiareq; nugacitati uitium inest, quia non au/
dit. Voluntaria nanq; surditas quibusdā hominibus
innata est, quos naturæ succensere puto, q; linguam uni/
cam, aures habeant geminas. Idcirco si ad impruden/
tem auditorem eleganter dixit Euripides,
Nihil tenentem complere haud possem satis,
Sermone docto fatuum perluens uirum.
Longe commodius ad nugatorem, uel de nugatore
potius, dicere quis posset,
Nihil admittentem complere haud possem satis,
Sermone docto fatuum perluens uirum.
Vel ut rectius dicamus, circūfundens, homini ad eos
qui non audiunt, loquenti, eos uero qui loquuntur non
audienti. Nam & si paruum aliquid audiuerit, illud nu/
gacitas tanquam inundationem quā primum suscipit,
ac longe abundantius reuomit. Porticum illam olym/
picam unica tantum uoce plurifariam reuerberantem,
septiuocam appellauere. At nugacitatem etiam si bre/
uissimus titillauerit sermo, statim contra resonat. Mo/
uetq; chordas animi immobiles prius, & fortasse dubi/

cur a natura ling
unicam, aures habet
geminas.

Enijs admittentem
audientem = nihil
neminem complesse
possem facit.

Nugacitas uelut port
Olympica septiuoca?

tari posset, an loquacibus, non in animum, sed in linguā
auditus sit perforatus, ac propterea cum apud alios uer
ba resideant, a nugatoribus cōtinuo effluunt, quapro
pter tanquā uasa uacua, & sine mente, tinnitus pleni cir
cunferuntur. Si igitur intentatum nihil prætēmitten
dum est, Nugaci dicamus licet,
Silere oportet, multa nam fili bona
Præstat tacentis lingua continens uiri.

*audire, nec audiri
qui potius nugatus.*

Duo uero præcipua, & maxima, audire scilicet, atq; au
diri, quorū neutrum assequi nugatores possunt. ea & n.
in re quam maxime cupiūt, infelices sunt, in aliis quip
pe animi ægritudinibus, ut auaritia, gloriæq; aut uolu
ptatis cupiditate, quo saltē optāt homines, perueniūt.
Nugacibus uero hoc præcipue molestissimum euenit,
quod cum auditores maxime habere cupiant, non inue
niūt. Vnusquisq; enim eos concito gradu fugit, & si for
te in hemicyclo sedentes, uel deambulantes aliqui nu
gacem, eūdem ad locum aduentare cōspexerint, quasi
castra mouēda sint, alter alterum, ut celeriter discedat,
hortatur. & quemadmodum in conuentu aliquo, dum
taciturnitas quædam subita homines occupat, superue
nisse Mercurius dicitur, sic etiam cum in symposium,
confessumq; familiarium, nugator intrauerit, continen
tissime silentium seruant. Timent enim ne loquēdi cu
pido ansam præbeant. Si uero os ipse aperire cœperit,
tanquam ex maritima aliqua specula boream spirare ui
derint, fluctuationem, nausæamq; futuram suspican
tes, e loco discedunt. Quapropter etiam usu uenire so
let, ut dum inuitati ad cenam ueniunt; apud eos libē

*in taciturnitas subita ho
mines occupat, Mercurius
perueniens dicitur.*

ter sedeat nemo, & dum peregrinantur, aut nauigant,
homines non sponte, sed coacti eodem nauigio; aut
cubiculo permaneant. Adiacet enim ubiq; ac modo
apprehensis uestibus, modo barbam uellicans, non
nunquam latus manu percutiens inhæret. Ea igitur (ut
Archilochus ait) tempestate, pedes maximo sunt pre-
tior. & mehercle sapiens Aristoteles idem sensit, nam
& ipse importuna cuiusdam loquacitate moleste affe-
ctus, & absurdis eius narrationibus uerberatus, cum ille
identidem inculcaret, nonne hoc tibi mirum uide-
tur Aristoteles? non hoc (inquit) mirum, sed illud,
si quis pedes habeat, te perpeti possit. Alterique hu-
iuscemodi moribus prædito, cum post multos lon-
gosque sermones, subiecisset, nugatus sum tecum phi-
losophe, non per Iouem respondit, ad ea enim quæ
dixisti, mentem non adhibui. Et si quando nugaces ut
audiantur, nobis intulerint uim, animus aures uerbis
solum exterius circūfundendas accommodat, ipse uero
interius alias cogitationes secū percurrit, & uersat. Eam
ob rem intentis credulisq; auditoribus haud quaquam
abundant. utque eorum qui ad res uenereas proni, faci-
lesque sunt, semen haud omnino genitale creditur, ita
nugacium sermo imperfectus est, & minime fructuo-
sus. Et tamē nihil firmiore uallo natura, quam linguam
in nobis munisse uidetur, quippe quæ eam obiecto
ante ipsam dentium præsidio coercuit, ut si quando
rationi habenas quatienti non obtemperauerit nec con-
uersa redierit ad officium, sanguinem morſu elicien-
tes eius intemperantiam continere possimus. Neque

*Dum nugantes loqui-
mur, utendum quod Ar-
istoteles ait: in tempe-
state pedes maximo sunt pretio-*

*Ut totum, quod ad res uenereas
proni facilesque sunt, semen haud omnino
genitale creditur, ita nugacium sermo imperfectus
est.*

*Ad officium redire debet
quæ uolunt habere quædam*

enim aerarii, domusq; non clausæ, sed effrenis linguæ
extremum finem, infelicitatem occupare, scripsit Euri
pides. Qui uero domum sine foribus, uel marsupium
non ligatum possessori nihil conferre posse putat, ore
autem non obsignato, sed tanquã Ponti ostio, quod
semper exterius effluit, patente utuntur, rem omniũ ui
lissimam, humanũ sermonẽ æstimare uidentur. Idcir
co nec fidem quã omnis affectat oratio assequuntur, pe
culiaris & n. propriusq; eius finis est, fidẽ uerbis altrue
re. Nugacibus autem etiam si uera dixerint, nullus cre
dit. Vt. n. frumentum uase cõstrictum cumulationis mẽ
suræ inuenitur, usu autem pessimum est, sic sermo qui
in hominem loquaciorem iciderit, cumulationis men
daci mensuram reddit, cuius causa fidẽ sibi ipse abro
gat. Quod autem omnis, qui modo uerecundus, & mo
deratus esse uoluerit, uinolentiam caueat, manifestum
est. Furoris. n. ut quidam dicunt, comes est iracundia,
ebrietas autem cõtubernalis, uel ut rectius dicamus, in
sania est, tempore breuior. Sed quoniam uolũtaria est,
propterea maior, spontanea etenim in ea electio inest.
In hac igitur ebrietate nihil magisquam uerborum pe
tulãtia, & incertitudo sermonis uituperatur.
Bacchus. n. inuitat, suadet qui sæpe canendo,
Dulcibus atq; iocis, molles iterare choreas,
Et blando risu sapientibus ora resoluit.
Et quid grauius? cuiusq; comparatione, saltatio, risus,
iocusq; nihil est? id scilicet quod subditur.
Quæq; tacenda forent melius, uulgare coegit.
Hoc iam intolerabile, periculoq; plenum est, & fortasse

*Nugacibus, etiam si uera
dixerint, nullus credit.*

*ut uero comes iracundia est
et cõtubernalis, aut iracundia
est breuior.*

*et ebrietas 2. uulgare
et cõtubernalis, aut iracundia
est breuior.*

quod apud Philosophos iam diu quæritur, hisce uer-
 bus Poeta soluit, potationis uidelicet, ebrietatisq; di-
 uersitatem significans. *potu. n. remittitur animus, ebrie-*
 tas in nugacitatem incidit. Id. n. quod sobrii hominis *tas in nugacitatem inci-*
 corde seruat, in ebrii lingua residere solet, ut aiunt, qui-
 bus proverbia colligere studium est. Idcirco Bias cum
 in Symposio taceret, proptereaq; tanquã simplex, ru-
 disq; a nugatore quodã taxaret, Et quis natura (inquit)
 fatuus inter uina silere potest? Athenis etiam dum re-
 gios oratores quidam conuiuio suscepisset, sciretq; eos
 uirtutis studiosos esse, omnem adhibuit diligẽtiam, ut
 eundem in locũ Philosophos congregaret, cumq; mu-
 tuis inuicem sermonibus colloquerentur, & quasi per
 symbolum uerba conferrent, solus inter omnes quiesce-
 bat Zeno. cui blande compellato, dum legati propi-
 nassent, dixere, de te Zeno, Regi quidnam dicturi su-
 mus? Et ille, nihil inquit aliud, nisi Athenis senem esse,
 qui in potu silere nouit. adeo profundum, sobriumq;
 mysterium taciturnitas est. Ebrietas autẽ meræ nugæ,
 ut pote cum sine iudicio & cura sit, proptereaq; in mul-
 tas panditur uoces. Philosophi etiam ebrietatem cum
 definiunt, nugacitatem in uino esse aiunt. Idcirco pota-
 tio probum non est, si inter uina silentium adsit. Stul-
 ta. n. confabulatio ex potu uinolentiam parit, & tamen
 ebrius in uino solum. at loquax ubiq; nugatur, in foro,
 in deambulatione, in theatro, i. comotatione, die, no-
 ctuq; ægroto assidens, i. firmitate ipsa grauior est, simul
 nauigans nausea molestior, laudans uituperãte impor-
 tunior, iucundiorq; est nequam hominis, sed tempe-

*profundum, sobrium
 mysterium taciturnitas*

stui, quam boni uiri, sed nugacis consuetudo. Nestor
ille sophocleus Aiacem excandescens mitigans, mo-
raliter dixit, tibi non succēso, qui cum bene facias, ma-
le loqueris. Erga nugacem uero, non eo quo Nestor
erat, affectu sumus, sed omnem operæ quam exhibet gra-
tiam, sermo intempestiuus corrumpit, ac perdit. Lysias
cuidam causam dicturo, orationem tradidit scriptam,
quam ille cum sæpe legisset, ad eum rediit dolens, aitq;
sibi cum primum orationem percurrisset, admirabilē,
cum uero iterū, ac tertio in manus sumpsisset, sine ulla
omnino uehementia uisam. Cui arridens Lysias, nonne
(inquit) semel tantum coram iudicibus dicturus es? &
tamen Lysias gratiam, persuadendiq; artificium igno-
rat nemo. cum enim ego affirmare ausim, omnes Musa-
rum ueneres, suauitatesq; sortitum. Illud etiam quod de
Poeta dicitur, uerissimum est. Solus. n. Homerus homi-
num superauit satietatem, adeo ubiq; nouus reperitur,
& recenti gratia ubiq; præditus floret. Is tamē dum de
seipso quodammodo exclamat,

*insit acta prius iterū
culcare loquendo. nam.*

Displicet acta prius iterum inculcare loquendo.
Fastidiū, quod omni immodicæ locutioni assidet, euita-
re, & cauere uoluisse uideat. atq; ita ex uno in alterū tran-
siens argumentū, mulcet auditore, ac narrationū multi-
plici nouitate, satietatem declinat. Nugaces uero idem
semper inculcantes obtundūt aures, tanquā palimpsesta
delentes. In hoc igitur primū admonendi sunt, q; sicut
uinū uoluptatis, conciliandæq; iter amicos beneuolen-
tiæ causa, alioqui inuentū, si quis multū, merūq; bibere
coegerit, homines ut plurimum ad nauseam, uinolens

tiamq; conuertit, ita etiam sermo, cum rerum omnium
 suauissimus sit, maximeq; ad conciliandos inuicem ho-
 mines inuentus, qui eo male, inepteq; utuntur, inhu-
 manum insociabilemq; efficiunt. His. n. quibus gratificari
 se putant, molestiam inferunt, ex his quibus hominum
 erga se admirationem cōcitari existimant, derisui sunt,
 ac per quæ diligi, amariq; sperant, fastidio habentur. Vt
 igitur cestro præcinctus, eos qui ad gratiam uersantur, si
 fastidiat, & repellat sine Venere, sic etiam qui nugādo
 molestus, & propterea odio dignus est, rusticus, inele-
 gansq; omnino habetur. Illud etiam animaduertendū
 q; animi ægritudines, aliæq; affectiones, uel periculum,
 uel odium, uel irrisiōem secum afferre solent. In nuga-
 citate uero simul insunt omnia. deridētur enim quoniā
 cum omnibus cōmunicant. odio habentur, quia mala
 nuntiant. periclitantur, quoniam secreta non cōtinent.
 Quapropter Anacharsis apud Solonem inuitatus, cum
 obdormiuiisset, sinistrā uirilibus, dexterā ori applicuisse
 repertus est, fortiore & enim nexu linguam coercen-
 dam existimabat, & id quidem recte. Nemo enim faci-
 le tot homines rei ueneræ intemperantia lapsos enu-
 merare posset, quot Ciuitates, & principatus, secreta in
 publicum diuulgata funditus euertere. Athenas obside-
 bat Sylla, nec ei diutius permanendi eo in loco super-
 erat ocium. Siquidem hinc Mithridates, qui Asia Ro-
 manis eripuerat, inde Marius, cuiusq; factio, quæ urbem
 iterum occupauerat, hominē urgebant. sed cum senio-
 res quidam intra Athenas, apud tonstrinam colloque-
 rentur, incidit iter eos sermo, q; Heptachalcū minime

*Anacharsis apud Solonem
 inuitatus cum obdormiui-
 uisset sinistram uirilibus dex-
 teram ori applicuisse re-
 pertus est.*

custodiret, periculumq; esse, ne urbs ea ex parte capere
tur quæ uerba exploratores qui aderant cum audissent;
Syllæ retulerunt. At ille statim exercitu congregato, cir
citer noctis medium, per eum locum in urbem milites
introduxit, paulumq; absuit, quin eam deleret, cæde
tamen, & cadaueribus compleuit adeo, ut sanguine Ce
ramicum fluxerit. Erat autem ille Atheniensibus ob di
cta potius quã facta iratior. Probra enim in eum & Me
tellam, in muris saltantes iactabant, Sylla fursure morus
aspera est. ac pleraq; alia huiuscemodi nugantes pro le
uissima (ut Plato inquit) uerborum petulantia, intolera
bilem multam perpeffi sunt. Urbem quoq; Romã ne
a Neronis seruitute in libertatem assereretur, hominis
uniu's nugacitas prohibuit. Vnica supererat nox secũdũ
quã præparatis omnibus, Tyrannum interfici oportebat.
Is autem qui eum interficiendũ susceperat, in thea
trum proficiscens, cum hominem in uinculis apud fo
res ut Neroni exhiberetur, qui fortunã calamitatemq;
propriã plorabat, uidisset, propius accessit, & i' furras,
Deos (inquit) bone uir ora, ut hodierna hæc dies solũ
pertranseat, nam crastina mihi gratias ages. Ille autem
obscure significatã occasionẽ arripuit, & secum (ut pu
to) cogitans, stultum esse pro incertis, certa relinquere,
tutorem potius spem salutis, quã iustiorẽ elegit. Ac
uerba hominis illius Neroni detulit, qui sublimis ra
ptus quam primum est, & statim quæstiones ignis, uer
beraq; admouentur, ut quod nulla urgente causa uul
gauerat, & tunc, quãquã tormentis coactus negabat, cõ
fiteretur. At Zeno philosophus, ne cõiurationis secre

tum, etiam inuitus tormentorū uiolentia cogeretur fa-
 teri, excisam mordicus linguā, in tyranni faciem expuit.
 Læna etiam honestissimum huiusce continentiae præ-
 mium habet. Ea erat meretrix Harmodio, Aristogytos
 niq; familiaris, quæ coniurationis in tyrānos particeps
 cum esset, nihil aliud utpote mulier, nisi spem commu-
 nicare poterat. nam ipsa quoq; eodem quo illi, amoris
 pulcherrimo cratere bacchabatur, & ad secreta fidiissi-
 me tenenda, ipsius cupidinis interuētū iniciata erat. Vt
 igitur ambo aduersa uis fortuna interfecisti fuere, capta
 est. & dum ab ea per tormenta exquireretur, ut coniura-
 tionis participes, qui ignorabantur, deferret, neminem
 nominauit. sed forti, constantiq; animo prædita, osten-
 dit nihil se ipsis indignum tantos uiros fecisse, quoniā
 talem amauerant. Atheniēses uero Lænam ex ære elin-
 guem fecerūt, ac pro foribus arcis dedicauere, ut ex ani-
 malis uehementia & impetu animi, eius insuperabilem
 constantiam, q; linguam haberet nullam, taciturnitatis
 mysterium figurarent. Nullum enim uerbum unquam
 dictum tam profuit, quam multa nō dicta. quod enim
 tacetur, proferre cum placuerit, licet. quod prolātū est,
 taceri non potest, sed effunditur undiq; ac diuulgatur.
 Idcirco sermonis homines, silentii pceptores habemus
 deos, id quod ex secretis mysteriis, sacrisq; pcepimus.
 Vlyssē hominē eloquentissimū, maxime omniū taci-
 turnū inducit poeta, filiū quoq; eius & uxore, ac postre-
 mo nutrice ipsam similiter. audis enim eam dicentē.
 Vt ferrum, & quercus tanquā prædura manebo.
 Et ipse Penelope assidens.

*Læna philosophus u
 coniurationis secretam
 gratia facit, etiam n
 diens linguam in ty
 ni faciem expuit.*

*Læna amoris pulch
 mo uano bacchaba
 ad secreta fidiissi
 menda genitū et ip
 uenitū iniciata erat.*

*Nullum uerbum d
 dictum tam profuit
 multa non dictum.*

*Sermonis homines, si
 arguimus habemus de
 deos.*

Vxoris lachrymas animo miseratus amaras,
Ast oculos, tanquā ferrum, cornuq; tenebat
Immotos.

Adeo corpus eius undiq; constantia & fortitudine se-
ptum erat. & ratio omnia sibi obtemperātia subiectaq;
fecerat, ut oculis, ne flerēt, linguæ, ne loqueretur, cordi
ne tremeret, aut latraret, p̄scribere posset. Iquit enim,
Olli cor patiens, fixum, immotumq; manebat.

Nam usque ad irracionales motus ratio penetrabat, Ita
ut spiritum sanguinemq; dicto parentem, & mansuetū
sibi ipse reddidisset. Tales etiam ex sociis eius plerique.
Quod enim a Cyclope lacerati, pavimento allisi, nihil
de Vlyssis cōsilio dixerint, quod igne duratum, præpa-
ratumq; ad effodiendum lumen, instrumentū non ostē-
derint, sed potius crudi deuorari, quam secretū aliquid
propalare sustinuerint, constantiz fideiq; argumētum
adeo magnum de se ipsis exhibuerunt, ut nihil amplius
addi possit. Quapropter nō male Pittacus. Cui cū Aegy-
pti rex uictimam misisset, utque optimam, pessimamq;
inde exciperet carnem, mandasset, linguam extraxit
& misit, tanquam scilicet bonorum omnium, malo-
rumq; instrumentum uel maximum esset. Ino autem
apud Euripidē de se magna fiducia profitetur, quod
ubi expediret, silere nosset, loqui uero cū tutum esset.
Qui enim generosa, uereq; regia educatione īstituti fue-
rint, tacere primum, postea loqui didicerunt. Antio-
chus rex ille magnus cum interrogaretur a filia, quan-
do castra moturus esset, times (iquit) ne solus tu bucci-
næ clangorem nō audias? Quid igitur? cui regnum re-

lingua bonorum omnium
malorumq; maximū instru-

listurus erat, secretam uocem cōmittere non poterat?
 poterat inquā. sed eum docere uoluit caute, continen-
 terq; in huiusmodi se gerere. Metellus etiam senior
 simile quiddam, dum exercitum haberet, interrogatus,
 Si uestem (ait) meam huiusce secreti consciam esse existi-
 mare, quam primum spoliatus, eam in ignem impo-
 nerem. Eumenes cum audisset contra se aduentantem
 Craterū, nulli ex amicis rem communicauit, sed Neo-
 ptolemum esse eum qui ueniebat, mentitus est. Hunc
 enim milites contemnebant, illius uero dignitatē admi-
 rabantur, amabantq; uirtutem. Cum itaq; nemini secre-
 tum hoc cognitum esset, congressi sunt, superatisq; ho-
 stibus, Craterum quoq; ipsum nescientes interfecere,
 mortuumq; demum cognouerunt. Atq; hoc modo ta-
 citurnitas pugnam confecit, & talem tantumq; hostē,
 ut ignoraretur, assecuta est. Adeo ut Eumenem, quoniā
 nihil antea communicasset, potius admiraretur amici,
 quam aliqua in re, ei succenserent. & si quis etiam succē-
 suisset, longe melius est seruari quempiā, & quasi nemi-
 ni fidem habuerit, reprehendi, quam nimia facilitate
 lapsum ruere, proptereaq; accusari. Et quis est qui lo-
 quax ipse cum sit, locum, audaciamq; non tacentem re-
 prehēdēdi sibi ipse relinquat? Si enī quæ dicebas effe-
 ri nō oportebat, cum altero, quare communicabas? Sin-
 tu ipse dimittis, & secretum apud alium deponis? cum
 tuam prostituas fidem, ad alienam confugis? Quod si
 tui similis ille fuerit, iuste periclitaris. Si melior, præ-
 ter rationem bene tibi succedit. Quippe qui alterum te
 ipso fideliorē experiris. Sed hic ais, amicus meus est.

*Metellus senior interrogatus
 si uestem meam huiusce
 secreti consciam esse existi-
 mare, quam primum
 spoliatus eam in ignem
 imponerem.*

Huic etiam aliquis alius amicus erit, cui credet, ut
huic ego, & ille rursus alteri, hocq; modo intemperan-
tia crescente, sermo pullulat, atq; diffunditur. Vt enim
unitas fines non transcendit suos, sed semper unum est,
iccircoq; unitas appellatur. Dualitas autem differentię
principium indeterminatum est, quamprimum enim
se ipsam duplicando disiungit, in pluralitatem conuer-
titur. Sic etiam uerbum quousq; apud primum perma-
net, secretum re uera est, Si ad alterum transfertur, iam
famę nomen sibi uendicat. Verba uolantia esse ait Poe-
ta, utq; uolatile, si quis manu emisit, non facile iterum
recuperat, ita etiam sermo ex ore iactatus contineri, alli-
gariq; non potest. sed celeres per circuitũ pennas qua-
tiens, ex aliis, ad alios diuulgatus fertur, & uolat. Cum
uehementiore uentorum impetu rapitur nauis, iactis an-
choris, & iunco fascibus inuolutis, cursum retinent. At
sermo postquam excurrere tanquam e portu coeperit,
nec anchorę iactu, nec statione retinetur. Sed strepitu,
sonituq; multo concitus, uig; coactus rumpitur, & cum
eius qui locutus est, periculo mergitur. iccirco,
Parua ex fauilla posset idęum nemus
Ardere, si quis uellet, hoc credas mihi;
Vniq; dictum ciuitas omnis sciet.
Senatus Romę secretum quoddam rei dubię, per plu-
res dies agitabat. cumq; res illa multam suspiciõem,
incertitudinemq; habere uideretur, foemina quędam,
quantum ad alia attinet, modesta, & pudica, sed tamen
foemina, apud uirum summis precibus, blandiciisq; in-
stabat, ut secretum communicaret, iuramēta, impreca-

tiones, & lacrymæ de taciturnitate seruanda continen-
ter aderant. Videbatur enim maxime anxia esse, ac mo-
leste ferre, quasi uir ei fidem haberet nullam. At Roma-
nus mulieris simplicitatem redarguere cum uellet, uim
mihi (inquit) infers uxor, & uincis. sed audi terribile, hor-
rendumq; monstrum, quod sacerdotes nuntiauerunt. Co-
tumix galeam capite auream gestans, lanceamque fe-
rens, uolare uisa est. in magna propterea ambiguitate
etiam cum auguribus uersamur, boni ne, an mali ali-
quid, ostentum portendat. Tu uero tace. Et hoc di-
cto in forum ibat. Mulier prima ex ancillulis quæ forte
ingressa erat arrepta, pectus uerberare, crinesque ipsa
præsentē, lacerare coepit, heu mi uir, heu patria, iden-
tidem clamans, quidnam calamitatis patiemur? uo-
lens quodammodo ancillam docere, ut quid noui eue-
nisset, interrogaret. Vt igitur interrogata narrauit omnia,
& communem illam omnium nugacium addidit clau-
sulam, nemini dixeris, sed tace. Ancillula quam pri-
mum inde secessit, una ex conseruis quam ociosior
rem uidit euocata, secretum cum ipsa communicauit.
Illa amanti suo qui aderat, retulit, ac deinde in forum
usque, res illa quasi circulo quodam reuoluta est, ita ut
eum qui rumorem finxerat, præueniret. occurrentib; ei
ex familiaribus quidam inquit, nuper ne ex domo in
forum descendis? nuperrime ait ille. nihil igitur audi-
uisti? nihil. sed est ne aliquid noui? Cotumix cum lan-
cea, galeaq; aurea uolare uisa est, & hanc ob rem prin-
cipes ciuitatis Senatum habituri sunt. Ille uero ri-
dens bene, ac recte (inquit) uxor mea, cuius diligentia

communem illam om-
nium nugacium ad-
dit clausulam; nem-
ini dixeris, sed tace.

effectum est, ut secretum in forum me citius, præcurre-
rit. Principes itaq; celeriter conuenit, & re (ut erat) nar-
rata, ciuitatē metu, ac perturbatione liberauit, utq; mu-
lierem ulcisceretur, cum primum rediit domum. Heus
bona uxor perdidisti me, iquit. Secretum enim e domo
nostra prodiisse in uulgu deprehendit Senatus. Idcir-
co incontinentiæ tuæ causa, mihi a patria exulandum
est. Illa uero primum negare coepit, deinde dicere, nō
ne hæc cum trecentis hominibus audisti? quos mihi in-
quit ille, trecentos nugaris? cum mihi uim inferres, ut tē
perantiæ tuæ periculum facerem, omnia finxi. Hic igi-
tur magna adhibita cautione, tanquā in uas minime syn-
cerum, nō uinum, oleumue, sed aquam infunderet, uxo-
rem tuto expertus est. Fuluius autem Cæsar Augusti
familiaris & socius, cum audisset eum iam senio grauē,
ob desertam, orbatamq; domum ingemiscētem, quo-
niā duobus intempestiuo funere elatis nepotibus suis,
& Posthumio, qui reliquus erat, calumniæ causa exulan-
te, uxoris filium principatus successorem, instituere co-
geretur, ideoq; pietate motus de nepote, ab exilio reuo-
cando cogitabat, hæc Fuluius ut audiuerat, uxori suæ
detulit. Illa uero Liuiæ protinus. Liuia igitur acerbissi-
me apud Augustum cōquesta, si hæc (ait) iam pridem
deliberaſti, cur nepotem ab exilio non reducis? cur
me in odium, inimicitiamq; successorum principatus
tui coniicis? mane autem dum pro consuetudine ue-
nisset ad eum Fuluius, dixissetq; Salue Cæsar. Sanus sis
inquit ille Fului, quod resalutandi genus cum intelle-
xisset Fuluius, quamprimū discessit, & recta in domū,

Intus quaris Augusti
militaris secretum uxori
pandere uoluit

aures pessimæ tantum rei confabulationes hauriunt, rapiuntq; uel, ut uerius expressumq; dicamus, quemadmodum in una quaq; urbe portæ sunt nonnullæ quæ nefastæ habentur, ac sceleratæ quibus tum capite damnatos tum expiationes purgamentaq; proiiciunt. Felix autem sacrumue aliquid neq; infertur neq; effertur. Similiter & curiosorum hominum aures nihil urbanū optimæ, sed lethiferas crudelesq; & piaculares tantum narrationes percurrunt, teruntq;. Hæc sola curiosi musica, hic cātus, hæc syrenes solæ. Hæc cum audiūt, nihil dulcius iucundiusue existimant. Etenim proprie curiositas querendi perscrutandiq; studium habet ea quæ in occulto & abdito latēt, cum retrahenda huiuscemodi arcana ut plurimum sint. Nullus etenim bona alicuius sibi ipsi conscius alios cellare solitus est. Quin potius contra non paucissimos quæ non habuerint bona, quasi habeant, uendicare ac præferre uidemus. Quapropter malorum spectacula cupiens curiosus, calamitatum alienarum gaudio afficitur solo. Qui quidem morbus inuidiæ consanguineus est atq; germanus. Cum enim inuidia conceptus ex aliena foelicitate dolor sit, e contrario hæc alienis in commodis miseriisq;, uoluptas & delectatio est. Ambo autem ex fero belluinoq; affectu, mentis scilicet & morum deprauatione orta uidentur. Tam graui nanque molestia, tam acerbis unusquisque dolore afficitur, cum quid malorum miseriaturq; suarum effertur in publicum, ut plurimi æquiore animo mortem elegerint, quam secretum aliquem morbum etiam medicis ipsis uel ostendere uel cōmunicare, in animū

calamitatum alienarum
gaudio afficitur eum

inducerent. Age enim Erophilum aut Erasistratum,
aut si lubet etiam Esculapium ipsum, cum inter homi-
nes uersaretur, pharmaca cæteraq; artis instrumēta de-
ferentem fingamus animo unicuiq; assidentem domi
interrogare quisnam intus, circa digitum habet fistu-
lam, quæ mulier cancro laborat, nonne quamprimum
huiuscemodi hominem quilibet ex domo propria de-
turbaret, quippe qui non expectata necessitate ad alie-
na mala perspicienda inuocatus accesserit? cum tamen
huiusce artis curiositas salutare quiddam profiteatur?
Curiosi autem hæc ipsa & his etiam peiora, non lenien-
di sanandique, sed sola & præcipua detegendi, ac in
publicum efferendi cupiditate scrutantur, quo fit ut
omnes iustissimis causis eos oderint. Publicanos et-
enim molestos maximeq; onerosos existimamus, non
ea ratione quod quæ palam importantur, inquirant,
sed quia occulta & abdita excutientes, alienis impedi-
mentis oneribusq; evertendis immorantur. Et tamen
hoc ipsis leges concedunt, & incommodo damnoq; si
neglexerint, afficiuntur. Curiosi tæro alienis occupati
negotiis sua & prætermittunt & negligunt, ac rarissime
huiuscemodi homines relicta urbe rus proficisci uide-
mus, utpote cum solitarii loci quietem & taciturnitatē
æquo animo ferre nō possint. Et si quando longo post
tempore necessitas ut eo se cōferant, urget, alienas prius
uites quā proprias perspiciūt atq; cōsyderant, subinde
interrogantes quantum ex uicini armento perierit, quan-
tum ex uino acuerit, celeriterque rei rusticæ quadam
ueluti satietate grauari, citato cursu in urbem reuertun-

in iustissimis causis
omnes oderint

curiosi solitudinis quietem
& taciturnitatem non ferunt.

tur. At uerus ille agrorum cultor urbani alicuius negotii sermones etiam sponte inculcatos non iucunde suscipiet. Ex aduerso curiosi agriculturam tanquam extraneam & omnino frigidam rem, nullosq; tragico ac lustruoso argumento refertam fugientes, in medio populo uersantur, & modo fora, modo portus scrutantur, ac subinde unum quenque rogando perturbant. Heus tu, noui ne aliquid? Non. Ne pridie inquirunt in forum descendisti? Quidni esse possit, tribus ne horis alio traslatam urbem existimas? Quod si quis recens aliquid quod nunciare ualeat, habere se dicat, expeditissimus equo desilit, manum dat, osculum porrigit, atq; ad audiendum sese paratissimum offert. Sin noui nihil esse respondit, moleste fert, ecquid ais? inquit. Nōne in foro fuisti? Non militum custodias præteristi? Non uenientibus ex italia occurristi? Et ideo non minus ciuilitate quā prudenter Locrorū magistratus cuipiā ex peregrinatione redeunti, ac ad patriū statim introitum interrogāti, Quidnam noui? multam interrogant. Quemadmodū enim coqui pecudum, piscatores pisciū, ita etiā curiosi malorū, ut ita loquamur, prouetus uotis omnibus exoptant, ac molestias nouasq; rerū mutationes palam exoptant, ut semp aliquid inde uenari possint, ac ad detrahendū facultas adsit. Bene etiā Tyrius legū lator adulteros tātū & curiosos ī comoediis describi & notari posse, præterea neminē ciuiū sanxit. Vides n. adulteriū uoluptatis alienæ curiositas quædā circa ea perquirenda iuestigandaq; tantū occupata, quæ ut multos lateat, diligētissime custodiunt. Itidē etiā hæc de qua loquimur,

adulteri & curiosi
apud Pyros, gaudet
sunt, q. a. adulteri
adulteri aliter d
curiositas

curiositas in soluendis denudandisq; tantum rebus ar-
canis uersatur. Vt autem multiplicia uariaq; addiscen-
di cupiditati, nugacitatem quādam inesse ulu comper-
tum est, Quod uitium ut declinaret Pythagoras, quin-
quēnale illud adolescentibus silentium, quod taciturni-
tatē appellabat, indixisse traditur, Ita etiā huiusmodi
exactæ ac superflue occupationi maledicentiam sequi
omnino necessarium est. Quæ enim iucūde audierint,
iucunde effutiunt, quæ tanto studio hinc & inde colle-
gerint, nō sine maxima uoluptate, aliis referunt. Quam
ob causam huiusmodi hominibus præter alia quæ in-
sunt uitio mala, morbus ipse, quo minus cupiditatem
expleant, impedimento est. Omnes etenim eos & ca-
uent, & quātum in se est cellant, nec quicquam curioso
uidente agere, uel eloqui audiente possunt. quin potius
consilia intermittunt, & si quid deliberatione indiget,
quousq; huiusmodi homo e medio sublatus sit, disse-
runt, & si forte cum secretiorem aliquem sermonē ince-
perunt, aut seriam actionem ad finem usq; deduxerint,
curiosus homo non præuisus apparuerit, tanquam præ-
currentis mustellæ aspectu perturbati, omnia e medio
tollūt absconduntq;, ita ut sæpenumero quæ omnibus
aperte dicuntur & ostenduntur, hisce solis abdita oc-
cultaq; sint. Nullus etenim curioso etiam uulgo decan-
tata credit, Ita enim undiq; omni fide nudus atq; deser-
tus est. Seruis igitur extraneisq; potius quam curiosis
amicis affinibusq; cōfidimus. At homericus ille Belle-
rophon cum sibi ipsi perniciosas gestaret literas, non
dissoluit, tantumq; a regiis epistolis quantum prius ab

omnes curiosi cauere
& quantum in se cellant

uulgo decantata etiam
uulgo decantata credit

eius uxore, eadem continentię ratione abstinuit. Ex uno etenim intemperantię fonte curiositas, adulteriumq; una cum singulari, & stulticia, & stoliditate deriuatur. Postremę namq; insanię ac furoris argumentum est, relictis tot cōmunibus, publicisq; (ut ita dicam) mulieribus, non sine multis, grauibusq; aliquando impēsis & clausę, & custoditę, ac sępe etiam deformi molestum esse. Similiter autem & curiosus usu uenit. Complura etenim spectacula, honestasque confabulationes, tum studia, tum iucundissima otia prętermittunt, ac modo alienas literulas expungunt, nonnunquam uiciorum parietibus aures inserunt, sępe cum mulierculis & seruis occulte susurrant, non sine periculo ut plurimum, semper uero inhoneste, turpiterq;. Quapropter ad curiositatem auertendam, id in primis utilissimum erit, si quę prius audiuius & cognouimus, memoria repetamus. Vt enim Simonides Poeta dicere solebat, si quis arculas illas duas, expensarum unam, gratitudinis alteram post modicum tempus aperuerit, hanc uacuam, illam plenam inueniet, ita etiam si curiositatis thecam post aliquod tempus detexerit quispiam, & quam multis uanis, iniucundis, inutilibusq; auditibus scateat, cōsiderauerit, res ipsa ineptum ac omnino turpissimū id uitii genus esse redarguet. Age enim opinemur, si antiquorum scripta percurreret aliquis, ac pessima quęq; inde exciperet, uerbi causa aut ex Homeri carminibus, quę appellantur trunca, ex tragicis solocismos, aut ex Archilochi uersibus, quos cōtra mulieres inhoneste, intemperatęq; scripsit, librum com-

uno ex intemperantię fonte euenit, & a se deriuat

Simonides Poeta dicit de duabus arculis, expensarum, alteram gratitudinis, alteram curiositatis, illam plenam inueniet

positum habeat, & circumferat, nōne dignissimus erit,
in quē tragica illa imprecatio decātetur? Pereas huma-
nas diligens miseras. Sed remota etiam imprecatio/
ne, nōne & inutilis, & inhonestus erit huiusmodi the-
saurus? quemadmodum ciuitas illa fuisse memoratur,
quam ex pessimis, & qui omnino corrigi non poterant
hominibus, addito etiā malitiæ cognomine, Philip-
pum cōdidisse memoriæ proditum est. At curiosi nō
carminum, neq; poematum, sed humanæ conditionis
& uitæ calamitates, errata, repulſas, ac solœcisimos di-
ligunt, quibus in unum collectis, absurdissimū, & sine
ulla omnino delectatione conscriptum malorum co-
dicem, propriā scilicet memoriā circūferūt. Quem-
admodum igitur Romæ nonnulli pictis tabulis, mar-
moreisq; statuis, ipsis etiam puerorum, mulierumq; ue-
nalium formis pro nihilo habitis, forum in quo sunt
monstra, circuunt atq; frequentant, ac identidem ho-
mines sine tibiis, aut ternos habētes oculos, aut grandi,
informiq; capite monstrosos uidere cupiunt, subinde
queritantes an mistum genus, horrendumue aliquid
contra naturam æditum fuerit, hi tamen si oculis hu-
iusmodi spectacula continue subiecerint, celeriter &
satietatem & nauseam sentient. Similiter qui humanæ
uitæ ī felicitates, generisq; opprobria, & notas, tum mu-
tationes ac errata alienis in domibus curiose perſcrutan-
tur, si meminerint priorum, quod scilicet gratiam nul-
lam, fructumue aliquem attulerint, a negotiosa hac in-
quisitione desistent. Plurimum etiam ad ægritudinis
huius diuersionem facit consuetudo, si longe antea

*Alizus cōdidit ciuita:
ex pessimis hominib;
malitiæ cognomine*

exerceamur, nosque ipsos huic continentiae ac graui-
tati assuefecerimus. Augetur enim hic morbus consue-
tudine paulatim, ac pedetentim ulterius progrediente.
Modum autem augumēti, quo exercitio id uitii genus
expellamus, differendo intelligemus ex cōtrario. Opor-
tet igitur, ut existimo, sensum nostrum non tanquam
intemperantem seruum foras deturbari, sed ad obeun-
da negotia ab ea animi parte, quæ ratione utitur mis-
sum, ea celeriter & curare & significare, postmodum
decore, ornatuque intra rationem se continere, ipsique
obtemperare decet. nobis autem Sophocleum illud
econtrario accidit. Quemadmodum enim qui ore du-
rissimo sunt, equi frena contemnunt, equitemq; ui tra-
hunt, ita etiam sensus non recte instituti, aut exercitio
prius docti, sæpenumero præcurrētes, ad ea quæ mini-
me deceant, mentem simul præcipitem ducūt. Vnde
ut illud falsum est, quod aiunt, Democritum oculis in
æreum, ardensq; speculum fixis & obfirmatis, splendo-
ris ipsius reflexu luminibus se priuauisse, quia scilicet
existimaret species, commentationesq; animi sui con-
templandis naturæ secretioribus exactiores futuras, si
lucis impedimētis, atq; illecebris, tanquam ianuis dua-
bus peruiis, quæ sæpe animum ad exteriora conuer-
tunt, clausis liberatus, intra semetipsum maneret, &
in commentandis intelligibilibus solum esset occupa-
tus. Vt igitur primum illud falsum, ita posterius uerissi-
mum est, eos qui in magnarum rerum inuestigatione,
animiq; continua agitatione uersantur, sensus raro ha-
bere in motu, eamq; ob causam Musarum secessus lon-

*Precepta ad euersionem
stupiditiam.*

*falsam autem de
obsecratione in speculo
vero*

ar consiliorum m'

anibus ignis. Sol non
dimoueat

gissime ab urbibus antiquiores dedicauere, Noſtē etiā
conſiliorum matrem cognominarunt. Exiſtimabant
enim ad inueſtigationem, conſyderationemq; eorū quæ
poſita eſſent in ueri inqueſitiōe, quietem, oriumq; ſine
perturbatione plurimum conferre. Tertium quoq; ad
effugiendam curioſitatem præceptum (ut opinor) erit
neq; durum neq; difficile, ſi exempli gratia, rixantibus
in foro quibuſdam, ac inuicem in alterutrum maledicta
congerentibus, propterea q; hominum faſto concuſſu
non accurras, ſed quiete, grauiterq; aſſidens, loco te nō
dimoueas. Quod ſi continere teipſum non poſſis, ſur-
gentem diſcedere ſatius eſt. nihil enim ſi te concurren-
tibus immiſcueris, propterea boni aſſequeris, Quantū
enim ad te attinet, ex huiuſmodi cōtinentia illud maxi-
me aſſequeris, nā & curioſitatem quodāmodo per uim
auertes, aſſueſceſque rationi obtemperare. Ex his igitur
iniſiis in maioribus quoq; ad curioſitatē extirpandam
exerceri poterimus, ueluti ſi feruēte auditorio Theatri
ſummo hominum concuſſu ac ſtudio, ne retrōſpicien-
tes quidē pertransferimus, uel amicis nos ad ſaltatoris,
comoediue ſpectaculū deducētibus nō uadamus, aut ī
ſtadio, ſeu hippodromo ſublata ſpectatorū acclamatio-
ne, ne conuertamur quidē. Vt. n. Socrates ciboq; genera
quæ non eſurientes ad comedendū, pocula item quæ
minime ſitiētēs ad bibendū allicerēt, cauēda eſſe præci-
piebat, ſic & nos cōfabulationes & ſpectacula, quæ eos
ad quos non pertinent, demulcere ac delectare uiden-
tur, omni conatu effugere oportet. Cyrus apud Xeno-
phontē Panthiā uidere noluiſſe ſcribit. Cūq; Araſpes

instaret, diceretq; dignam esse mulieris quæ spectaretur, formam, propterea inquit magis cauendum censeo. Si enim te suadente ad eam aspiciendam accederem, fortasse elegantia sua persuaderet mihi, ut iteq; dimissis maioribus quæ iam incumbunt negotiis ad ipsam uenitarem. Similiter etiam Alexander Darii coniugē quæ pulcherrima esse dicebatur, in conspectum suum uenire prohibuit. Et cum matrem iam seniore crebro officii gratia uiseret, formosam adolescentulamq; nullo modo uidere sustinuit. Nos autem mulierum leuicis oculos iniicientes ac fenestris ut ita loquar, suspensi, nihil contra officium committere existinamus. Atq; ita facilem labilemq; curiositatem nos ipsi facimus. Vt igitur iustitiæ æquitatisq; exercendæ causa, luctum etiam honestum nonnunquam contemnere decens est, ut scilicet hac consuetudine te ipsum ab iniustis longe abesse assuefacias, utque ad modestiam maiorem comparandam, ne propter alienam mouearis, a propria uxore aliquando abstinendum est, ita etiam eandem consuetudinem inducas curiositati ac enitere multa ex tuis sæpe obaudire contemnereq;. Et si forte quispiam de re tua domestica nuntiare aliquid uoluerit, differas. Sermones item aliquos tanquam de te habitos reicias. Et enim Oedipum, ut est in tragoediis, multis grauibsq; calamitatibus inuoluit curiositas. Cum enim seipsum ac genus suum quæreret, tanquam scilicet Corinthius non esset, occurrit Laio quo interfecto matrem duxit uxore. Cūq; dotali regno & coniuge beatus esse uideretur, rursus seipsum quærebat & inuita ac renitente

*Cyrus Persiam uidit
noluit; nec Alexander
Darii uxorem uxori
chevrimas; matrem ar
senibrem crebro offe
gratia uisit.*

*Nos mulierum leuicis oc
los iniicientes, ac fenest
suspensi —*

uxore, tanto magis & conscium senem excutiens, om-
nem urgendo necessitatem inferebat, adeo ut cum res
ipsa iam suspicionem intulisset, exclamassetq; senex, hei
mihi, iam proximus sum ad scelera detegenda, cupidita-
te ardens furensq; responderet, ego uero audire. Tam
incontinenti acerbamq; dulcedine, piuritus ille quem cu-
riositas excitat, conditus est, ut non ab similibus uideatur
ulceri, quod cum scalpitur, emittit sanguinem. Qui au-
tem tam graui morbo liberatus erit, ac ad pristinam in-
natamq; animi quietem peruenire potuerit, difficulta-
tibus periculisq; perfunctus, tragicum illud rectissime
dicere poterit. O iucunda obliuio malorum quanta sa-
pientia polles. quapropter adhuc maxime domestica,
nos ipsos assuefacere oportet, ut uidelicet cum epistola
nobis aliqua reddita fuerit, non celeriter nimis, raptim-
ue soluamus. Quod quidam plurimi facere solent, ita
ut manibus tardiores sibi ipsis uideantur, ni uincula den-
tibus etiã deuorent, Aut si forte aliunde deuenit nun-
tius, ne subito assurgamus neue statim occurramus. Si
quando etiam conuenerit nos amicor; quispiam, dixe-
ritq; nouam quandam rem tibi dicere habeo, constan-
ter respondendum, magis audire cupio, Siquid utile
honestumue habes. Cum olim Romæ disserente me Lu-
nius Rusticus quē postea Domitianus tanti uiri gloriæ
inuidens interfici iussit, interesset, & miles quidam per
medium confessum Cæsaris epistolam illi reddidisset,
facto silentio, quousq; epistolam legeret, ego etiam ser-
monem tantisper interruperam. Rusticus autem cum
hoc animaduertisset, noluit, nec prius literas soluit,

*O iucunda obliuio ma-
lorum quanta sapientia.
Mq.*

*Linus Rusticus Pluribus
disserente cum ad eas ac-
cessit periculis soluit.*

quam ad finem peruenissem, auditoriumque omnino
uacuum esset, quam ob causam qui aderant uiri con-
stantiam grauitatemq; admirati sunt. Quod si dum li-
cet, facilibus quispiam rebus curiositatem nutriendi
firmum fortemque reddiderit morbum, postea inuete-
rata consuetudine ualidum, ac ad ea quæ minimæ de-
cent, præcipitem non amplius continere poterit, Tunc
enim huiusmodi homines & amicorum literas soluent,
tunc secretioribus confessibus sese offerent, tunc sacro-
rum, quæ inspicere fas non est, spectatores erunt, tunc
loca inaccessa calcabunt, Sermones negotiaque regia
omni curiositate perscrutabuntur. Atqui tyrânos ipsos,
qui necessitate omnia rimari coguntur, onerosos odioq;
ac execratione dignos præcipue reddit genus illud ho-
minum quod circa se habent. Qui quoniam rumuscu-
los hinc & inde colligant, omnesque ad libere loquen-
dum alliciant, tum aures, tum alletores appellati sunt.
Et auricularios quidem primus persarum Rex Darius
ad omnia timidus atq; suspiciosus, ita ut sibi ipsi non
crederet, excogitasse dicitur. Alletores autem Diony-
sii pater & filius Syracusanis immiscuerunt. Quam-
obrem rebus postea mutatis, hoc in primis ciues sup-
plicio affecerunt. Genus quoque illud hominum qui
Sycophantæ dicuntur, ex eadem tribu uel potius fami-
lia domoq; originem habere uidentur. In hoc tantum
differunt, q; hi, si quis mali quidpiam aut consuluerit
aut commiserit, inquirunt, curiosi autem inuolunta-
rias etiam uicinorum calamitates redarguunt, ac in
medium efferunt. Aiunt etiam quos græce ἀντιγίς

*Darius primus auricularios
excogitasse, et
Dionysii patris alletores*

appellamus, latine autem inquisitores dicere possumus,
a curiositate primum cognominatos. Laborantibus &
enim summa annonæ caritate ac penuria Atheniensibus,
dum habentes, cum aliis frumenta non cōmunica-
rent, sed furtim in domibus molerent, circumeuntes
quidam urbem, molarum obseruabant strepitus, Qui
postea a scrutando sonitu appellati sunt alitirii. Simili-
ter etiam calumniatoribus nomen a curiositate indu-
ctum est. Cum enim lege prohibitum esset, ne ficus ex-
tra urbē efferrentur, huiusce rei delatores Sycophantæ
appellati sunt. Hæc etiam ad depellendum morbum
curiosis identidem cogitare non erit inutile, utpote cū
animaduernerint genus institutionis & uitæ quam ele-
gerunt, omnino simile cognatumq; esse hominibus iis
qui humani generis singulari odio ac execratione di-
gni existimantur, aliquando erubescant, atq; declinent.

FINIS.

Reuerendo Domino Ioanni Matthæo

Gyberto. S. D. N. Datario.

F. Minitius Caluus.

S. P. D.

Multa ciuilis uitæ institutioni pernicioſa, & per ſe ſœdiſſima ſunt uitia Gyberte ampliffime, tum uero impoſtune nugari, aliorumq; negotiis ſe inſinuare in primis ſunt merito deteſtanda. Quippe quæ ad nullam bonam frugem conducant, quin ſæpius impellant miſeros mortales ad odia, inimicitias, aliasq; peſtes humani generis. De quibus uitâdis Plutarchus ille Chæroneus duobus opusculis, pulcherrima, ſaluberrimaque (ut in his quæ ad mores pertinet, ſemper conſueuit) nobis tradidit præcepta. & ne

latinis græcā linguam nescientibus tanti thesauri copia deesset, ea Ioannes Laurentius Venetus uir græce & latine doctissimus perquam eleganter, fideliterq; interpretatus est. Quorum, cum alterū, quod de Curiositate inscribitur, nusquā adhuc typis excusum, alterum de Nugacitate innumeris certe mendis perpurgatum, mea cura in publicum dare uellem, te unum delegi, cui ea iure optimo dicerem, & qui eo munere (si ullo unquam alio) dignus esses. Hæc enim uitia non solum deuitasti, ut & quæcunq; alia, sed ab ineunte adolescentia tantum abominatus es, ut iis oppositas uirtutes tibi præcipue colendas duxeris. Nam in isto ætatis flore, quid sanctius tua diuina taciturnitate? nec quisquam maiori temperamento uerba facit, ubi loqui operæpretiū est. quisue propria negotia, seu magnorum principum tam inuiolabili fide, sa-

pienciaq; obiit, posthabita alienarum &
inutilium rerū solitudine: Quibus ma-
xime uirtutibus factū crediderim, ut duo
Medicei Pontifices Optimi, atq; Maximi,
& ii quidem ingeniorum censores acerri-
mi Leo. X. & Clemens. VII. te tanti
faciundum iudicauerint, quanti præterea
neminem. Quod si per publicas occupa-
tiones quibus iugiter distineris, hos tibi
libellos in manus sumere aliquādo licue-
rit, eas ipsas uirtutes tibi præ cæteris fami-
liares, uelut in lucidissimo speculo aperte
dignosces, simulque animum tuum, sua
sponte optima quæq; sectantem, ad has
Plutarchi sapiētissimas institutiones tan-
quā ad amussim formatum, excultumq;
perspicies. Vale.

Quisquis es, siue Impressor, siue Biblio-
pola, caue hos libellos aliosue quosli-
bet in Francisci Minitii Calui officina
libraria primum excusos, excuden-
dosue, intra proximum decennium
uspiam gētium imprimas, uel ab aliis
temere forsan impressos uendas. hæc
enim seuerissimo edicto uetuit bona-
rum artium fautor Clemens. VII.
Pont. Max. quique secus fecerint, eos
non modo in singula uolumina denis
aureis mulctari, uerum & Christiano-
rum commercio, atq; aqua, & igni
interdici uoluit.

Vale. & uide, ne inuidus negotium tibi
faceffas, bene memor nullam esse
scelerum impunitatem.

PLVTARCHI CHAERONEI COM-
MENTARIVS DE CVRIOSITA-
TE, INTERPRETE IOANNE
LAVRENTIO VENETO.

u TILE Fortasse, optimumq; consilium fue-
rit, male odoram, obscuram, frigidam, ī salu-
bremq; habitationem procul fugere, Si uero
consuetudine captus quispiam locū diligit, licet ei uel
fenestris alio situ positis, scalisq; mutatis, uel ex ianuis
clausa altera, lucidiorem, bene olentiolem, salubriorēq;
huiusmodi domū fabrefacere. Nam & urbibus in hunc
modum conuersis quidam profuerunt, quemadmodū
patriam meam cum ad Zephyrū uergeret, inclinataq;
die solis reflexum e pamasso susciperet, orientem uer-
sus a Chaerone translata ferunt. Physicus etiā Empe-
docles obturato montis hiatu, qui graues morbidosq;
afflatus, austro spirante exhalabat, male affectum aerem
e regione illa exclusisse existimatus est. Cū igitur in ho-
minibus quoq; pestiferi affectus plerunq; reperiantur,
qui partim frigus, partim tenebras animo infundunt,
optimum id primum fuerit, eos procul si fieri potest,
abiicere, atque ad aream usque demoliri, claritatemq;
ac lucem, & purum, liquidumq; aerem nobis ipsis in-
ducere. Sin id minus licet, saltem ad alium quendam lo-
cum conuertere ac circunducere eos, quāq; fieri pos-
sit, commodius resarcire concinnareq; oportet. Quo in
genere curiositas nobis statim occurrit, ægritudo nec
ab inuidiæ nec a malitiæ suspitione libera. Quippe

male odora

*curiositas ægritudo
ab inuidiæ, nec a ma-
litiæ suspitione libera*

aliena ita acute cernis
cum ad tua errata caligat
?

quæ aliena mala noscendi studium habet, & profitetur.
Quam enim aliam ob causam, nisi summa concitatus
inuidia, aliena ita acute cernis, cum ad tua errata caliges?
Depone alienarum rerum curiositatem, ac in te ipsum
conuersus, si te forsan rerum malarum historiam pertra
ctare delectat, ea quæ in te sunt, examina. Plurimum
enim domi huiuscemodi uoluptatis inuenies. Quam
multa in syluis auium se milia condunt, Vesper ubi, aut
hybemos agit de montibus imber, tot affectus malos
in animo inuenies, totiensq; officii omissi tibi ipsi eris
consciis. Quemadmodum enim diligenti patrifamilias
locum eorum quæ ad rem diuinam, quæ item ad belli
cam, quæ ad rusticam pertinent, discretum propriumq;
esse debere scribit Xenophon, sic partim ex inuidia par
tim ex Zelotypia, quædam etiam ex angusto, paruoque
animo uitia domestica tibi inserta sunt. Hæc tecum
percorre, hæc examina, hæc contemplare. Aditum au
tem ad uicinorum ianuas curiositati omnino obstrue,
e regione uero tuas omnes eidem aperi, eas uidelicet
quæ ad mulierum arcana cubicula, quæ ad uirosq; atria,
quæ ad seruorum cellas ac diuerticula ducunt. Ibi enim
nec inutiles, nec inuidia incensas, sed salutare occupa
tiones curiosum hoc morbi genus habebit; si unus
quisq; seipsum diligenter interrogando illud insusur
rauerit. Quo sum conuersus, Quid feci in tempore, Quid
non? Nunc autem quemadmodum in fabulis aiunt,
Lamiam domi cæcam, oculis uase quodam depositis
carere, in publicum uero proditura resumere atq; aspi
cere, sic unusquisq; nostrum alienis in rebus nihilq; ad

omnia oculos uase deponi
in publicum proditura
resumere.

nos pertinentibus, inanem curiositatem, tanquã oculũ
 malæ mēti imponit. nostris uero erratis ac malis etsi sæ
 pius occurramus, ex ignoratione tamen ad ea nec lu/
 cem, nec oculos porrigimus. Quamobrem homini cu/
 rioso euenit, ut nō sibi ipsi sed inimicis potius bene cō/
 sulat. Cū enim eorū aut reprehendit errores, aut obiicit,
 simul etiam a quibus declinare, quæq; corrigere opor/
 teat, docet. ipse uero circa aliena & extranea tātum oc/
 cupatus, attonitusq; domestica etiam, & priuatim ad se/
 pertinentia ut plurimum negligit. At Vlysses apud Hor/
 merum priusquã Tyresiam iis de rebus propter quas ad
 inferos descenderat, consulisset, ne matrem quidem
 affari sustinuit. Cum autem singula intellexisset, tūc ad
 parentem conuersus, aliarum quoq; Heroidarum casus
 percunctari coepit. quæ nam scilicet esset Tyro & quæ
 pulcherrima Chloris. Quam etiam ob causam Iocasta
 informis lethi nodum trabe nexuit alta. Nos uero cōtra
 in his quæ rem nostram tangunt, omnino negligentes,
 alienorum genus recensemus. Quod uicini nostri auus
 in Syria natus, auia autē e Thracia fuerit, q̃ alter tribus
 talentis mutuo acceptis decoxerit. Nōnunquã etiã dili/
 gēter inquirimus, unde nam illius uxor domũ redibat,
 aut quid esset causæ, q̃ duo illi pauloante secretius ī an/
 gulo collocuti essent. At Socrates inquirere, ac perscru/
 tari solebat, quibusnam uerbis, quoue orationis genere
 Pythagoras persuaderet. Aristippus etiã Ischomacho
 apud olympia cōgressus qua nã disputatione ac sermo/
 ne Socrates ita afficeret adolescētes, percūtabat. Cūq;
 ab eodē parua, ut ita loquamur, delibationē p̃ceptorū

Vlysses priusq' di-
ty de rebus propter quas
ad inferos descendendum
recluserat, ne matrem
quidem affari sustinuit

Socratis gustasset, ita est animo affectus, ut facie pallidus corporeq; attenuato uix consisteret, quousq; sitiens ardensq; desiderio Athenas uenit, & aqua, quod aiunt, hausit e fonte, ac disputationes & philosophiam hominis perspexit. Cuius summū illud, extremumq; præceptorum erat, oportere unumquemq; hominum propria uitia primum perpendere atq; examinare, operam deinde omnem adhibere, ut ab eisdem liberaretur. Sūt autem nōnulli homines, qui in propriam uitam utpote molestissimum spectaculum introspicere haud quaquā sultinent, nec cogitatus suos, rationēq; flectunt, ut sibi ipsis claritatem lucemq; inducant. Animus nanq; multis uariisq; uitiiis refertus, & grauis, cum ea quæ intus habet, nō solum timeat, sed etiam horreat, quasi quodam saltu ad exteriora seipsum præcipitē iacit, rebusq; alienis occupatus malignitatem pascit, & saginat. Vt enim auis domestica cum plurimum cibi ante pedes iaceat, nihil minus angulo se inserit ac quasi furtim quærit, si in sterquilinio unum etiam ordeï appareat granum. Similiter curiosi homines tum historici, tum omni cōmuni sermone prætermisso, his etiam quæ nullus interrogare prohibet, aut interrogatus moleste accipit, occulta latentiaq; tantum mala ex omni domo excutunt. Verbarum ægyptii cuiusdam illud memoratur in primis. Interroganti enim quid nam uelatū opertumq; deferret? propterea inquit tectum est. Et tu quoq; quam ob causam curiose inquiris, quod de industria occultitur? nisi enim quid subesset mali, non te geretur. At qui non pulsata prius ianua, domum alienam ingredi consuetudo

ægyptius quidam = inuenerit
quid nam uelatū
opertumq; deferret?
propterea inquit tectum est.

nulla est, & nunc ianitores eam ob rem assident. Priscis
uero temporibus ænea quædam instrumenta foribus
impacta stridore signum dabant, ne scilicet aut ma-
trem familias, aut uirginem, aut seruum uapulantem
ancillulæ sue clamanteis in propatulo deprehenderet
alienus. At curiosus ad hæc ipsa sese insinuat & quo-
dammodo inserit. Domus uero bene modestæq; insti-
tutæ spectator etiam inuitatus non libenter intrauerit.
E contrario ea omnia propter quæ & aulæ & clauæ &
pessuli excogitati sunt, in publicum efferens aliis dete-
git, & uentorum flatus ut Ariston inquit, eos maxime
odio quodammodo insequimur, qui extremas uestium
nostrarum oras euoluunt. Curiosus uero nō uicinorum
indumenta, non tunicas, sed muros euertit, postes ape-
rit, postremoque, ut ait poeta, mollis delicatæq; uir-
ginis sinum, tanquā spiritus quidam subintrât, serpitq;
& orgia, choros, nocturnaq; sacra perscrutando, om-
nia calumniatur. Ac quemadmodū Cleon in comœ-
dia, manibus pedibusq; apud Aetolos, mente uero in
furtis rapinisque uersari scribitur, ita etiam curiosi ho-
minis animus simul in diuitum ædibus, in pauperū do-
munculis, in Regum aulis, in nouis nuptarum thalamis
uersatur, & omnia quotquot sunt, inquit, extemorum,
ducum, principumq; negotia perscrutatur, nec sine pe-
riculo quidem, ut plurimum talia quærit. Qua in re
non minus stulte facere uidetur, quam si quis a conitum
biberet, qualitatem quæ ueneno inest, curiose gustare
cupiens. Vt enim hic antea quā aliquid sentiat, sensum
ipsum morte præoccupat, similiter & huiusmodi ho-

mines magnorum uiros mala perquirentes antequā ea
cognoscant, seipsos plerunq; perdunt. Hi etenim qui
Solis huius immensos quidem, omniumq; animantium
usui diffusos radios cōtempserint, ipsum uero solarem
circulum impudenter suspicere, ac lucem ipsam con-
templari audēt, obcæcantur. Quamobrem bene ac
sapienter comicus Philippides, cū a Lyfimacho Rege
aliquando interrogaretur qua potissimum in re libera-
litis Regiæ particeps esse cuperet, ut lubet, inquit o
Rex, dum tamen nihil ex arcanis secretisq; tuis cōmuni-
ces mecum. Regem nanq; negotia quæ iucunditatē uo-
luptatemq; seu paruā, seu maximam præferūt, omni-
bus in propatulo sunt, opes uidelicet, conuiuia, diuitiæ,
celebritates, gratiæ & cætera huiuscemodi. Siquid autē
cellatū erit, neq; occurras, neq; perscruteris. Non enim
principis lætitia, nō humanitas, non deniq; ludentis ri-
sus esse ī occulto poterit. Quod latet, terribile, crudele,
inaccessibile est, sine ulla omnino iucunditate ac risu,
utpote cum alicuius rei suspitio, iracundia, aut uindi-
candi cupiditas, uel in uxorem Zelus, amici infidelitas,
aut in proprium filium occulta suspitio eius animum
torqueat, & exulceret. Effuge hanc nigram tempesta-
tem, conglobatamq; nubem, quæ cum occultum hoc
disrumpetur, nec tonitru, nec fulgure latere te poterit.
Quonam igitur pacto liberari, aut nos ipsos diuertere
ab huiusmodi uitio poterimus? Aut quæ interrui-
ptio, uel bonam in partem curiositatis translatio erit?
Omnium maxime, si ad meliora iucūdioraq; animum
conuerterimus. Circa diuina coelestiaq; esto curiosus;

Quæ in terra , quæ in aquis , & aere sunt , perscrutare .
aut enim te ad parua , aut ad magna contemplanda
natura formauit . Si ad magna natus es , solem ipsum
consydera , ubi uidelicet occidit , ac unde oritur . Lunæ
etiam crebras nec humanis dissimiles mutationes , mul-
tiformesque ambages diligenter inquire . Quonam lo-
co tantum claritatis lucisque consumpserit . unde rur-
sus acceperit . quomodo ex incognita obscuraque ne-
bula subito prænitens , paulatim pulchriore aspectu se-
ipsam implet , cumq; immensa , orbeque pleno conspi-
cua nobis apparuerit , repente nulla iterum effluit . Sunt
quidem hæc naturæ abdita atq; secreta . Siquis tamen
rationem curiosa inuestigatione assecutus fuerit , non
grauatur . Quod si maiora hæc attingere pro ingenii
tui modo desperes , minoribus immorare , cur scili-
cet ex arborum , stirpiumque numero aliquæ perpetua
uirescunt pube , & quodammodo iactabundæ per om-
ne anni tempus diuitias suas explicant , & ostêtant . Aliæ
rursus quodam tempore , & flore , & folio non inferior-
res , paulo post mutata facie tanquam negligentes ma-
tres familias opibus , ornamentisq; omnibus effusis nu-
dæ pauperesque relinquuntur . Quidnam esse causæ
dicamus , q; ex his nonnullæ oblongos , quædam an-
gulares , plures rotundos , orbicularesq; fructus ædant .
Sed forte circa hæc iucunde occupatus non eris , quo-
niam scilicet nihil mali huiuscemodi curiositati innatū
est . Quod si uitium hoc nulla in re bona , sed tanquam
serpentem lethiferis in locis , ac uenenatis pabulis sem-
per immorari , depascique omnino necessarium est , ad

inspiciendas historias quasi manu deducamus, multa & uaria malorum argumenta quibus refertæ sunt, proponamus. In illis enim hominum multiplices casus, desperatio uitæ, mulierum stupra, seniorum infirmitas, amicorum calumniæ, uenena Zelotypiæ, domorum euersiones, principum destitutiones enarrantur. Inde hæc haurias, inde te ipsum impleas, hac frui uoluptate, nec molestia, dolore uel quenquam ex his qui tecum uersantur, afficies. At certe ut usum uenire perspicimus, curiositas non multum ueteribus priscisque, sed nouis adhuc, feruentibusque calamitatibus delectari uidetur. Et recentis quidem tragoediæ libentissime spectatore sese curiosum offerre, hilarioribus autem & comicis argumentis haud quaquam prompte interesse cernimus. Quapropter euenit ut si quando in conuentu hominum nuptias, uel sacrificium, uel pompam magnifice instructam narrauerit aliquis, negligentem, pigrumque auditorem seipsum exhibeat curiosus, ab aliis audisse prius affirmet, ac identidem moneat, ut multa prætereat, quædam intercيدات. Sin uirginis raptum, coniugatae adulterium, accusationis apparatus, uel fratrum discordias assidens aliquis enumerat, tum nec oscitat, neque ullam prætendit occupationem, sed singula pensiculatur uerba, expenditque diligenter, atque arrigit aures. Prouerbum namque illud quod dici solet. Eheu quam facile mala & infortunia hominum auribus allabuntur, de curiosis proprie uerissimeque dictum est. Quemadmodum enim cucurbitulæ id quod corruptum est tantum, ex humanis corporibus educunt, similiter curiosorum

singula pensiculatur
arrigit aures.

ut quam facile mala,
infortunia hominum
auribus allabuntur.

& aquam petiit. ille uero & hæc, & alia, pro ea copia
quæ rustico in prædio erat, iucunde, abundanterque,
nullo comitatus genere prætermisso, exhibuit. Cūq; Regē
perspexisset, quīnam esset cognouit, ac uehementer læ
tatus est, quod fortuna ī id necessitatis cōpulsū ad se
potissimum detulisset. Exhilaratus igitur se ipsum cōti
nere non potuit, nec Regi latere uolenti, una cum ipso
mētus est. sed cum usq; ad uiam, regē comitatus esset,
ac discedere uellet, saluus sis (inquit) Rex Seleuce, & ille
porrecta dextera quasi deosculaturus, hominem traxit,
& simul uni ex his qui sequebantur, annuit, ut ceruicem
eius gladio incideret.

Dum loquitur, terræ caput incidit ensē reuulsum.
Qui si ad opportunum usq; tacuisset tempus, cum pau
lo post Rex ad pristinam felicitatē, & maiorem rediis
set, uberiores ex taciturnitate gratias, quam ex hospi
talitate reportasset. hic tamen aliquam quodammodo
incontinentiæ suæ occasionem, bene sperando hospi
tīi causa habere uidebatur. Maior autem nugatorum
pars, nullam ob causam seipsos perdunt, quale illud
est, quod in tonsulina euenit. Cum enim inter assiden
tes de Dionysii tyrannide sermo incidisset, dicere
turq; eam insuperabilem, & quodammodo adamanti
nam esse, aridens tonsor, hæc de Dionysio uos existi
mare non mediocriter (inquit) miror, cuius ego cer
uici, paucis interiectis diebus, nouaculam superimpo
no. Hæc, ut audiuit Dionysius, hominem in crucem
actum interfecit. Et certe ut plurimum tonsores omnes
nugaces sunt. cum enim loquacissimi quiq; ad tonsili

salutem suam tonsores
omnes nugaces sunt

nas confluant, ibidemq; totos dies assideant, & nugen-
tur, ipsi quoq; nugandi consuetudine imbuuntur. Idcir-
co urbane admodum Archelaus rex, dum eum loqua-
cior tonsor linteis cicūelaret, crebroq; quomodo te
radi uis o Rex, percūstaretur, tacēdo, respondit. Cladē
etiam illam Atheniensium in Sicilia maximam, cū ton-
sor a cuiusdam qui inde euaserat seruo, apud Pyraeum
audisset, primus nuntiauit. Relicta enim tonsrina,
cursu citatissimo, quasi ne ei gloria praeiperetur time-
ret, ad urbem ascendit, ciuitatemq; statim compleuit
totā, ortaq; ut æquum erat, pro rei magnitudine per-
turbatione, populus in concionem collectus, primos
huius nuntii, rumorisq; authores perscrutabatur. Addu-
ctus igitur tonsor est, cumq; interrogaretur, ne nomen
quidē eius, a quo id audisset sciebat, omniaq; ad igno-
tum, & innominatum quempiam referre. Vniuersa con-
cio ira percita acerrime ad prætorem clamare coepit.
Tolle, torque, excrucia scelestum, componit enim &
fingit hæc, nam quis alius audiuit? quis credidit? affer-
tur igitur quamprimum rota, & extenditur miser. In-
terea ueri calamitatis nuntii aduenere, utpote cum ex
conflitu ipso euasissent. unusquisq; igitur ad domesti-
cas infelicitates deplorandas cōuersus discessit. Ille in-
terea rotæ alligatus mansit, cūq; inclinato iam die tan-
dem aliquando solutus esset, tortorem identidem per-
cūstabat, an de Nicia qui exercitui præfuerat, & quo-
modo interfectus fuisset, aliquid audisset, adeo consue-
tudo irreprehensibile, ac inexpugnabile malum, nuga-
citatem reddit. Quemadmodum autem qui acerbā

*Archelaus Rex tonsori
dixit, quomodo
te radi uis, faciendo re-
spondit.*

ale: Anxia pharmaca
bures etiam ad calices
anxiae solent: sic qui
alia nuntiare conueniunt
d'annus non odit -
phoetes = animum per
aures cur monitionem

& male olentia pharmaca biberint, etiā ad calices ipsos
nauseare solent, sic qui mala nuntiare consueuerunt, au
dientibus molesti, odiosiꝑ sunt. Ideoꝑ cōmodissime
Sophocles dubitasse uidetur.

Animum per aures cur momordisti meas?

Meum dolorem concinne quid narras mihi?

Quicumꝑ factis lædit, offendit prius

Mentem, loquendo sed aures afficit dolor.

Quocirca non minus qui dicunt, quam qui faciunt do
lore afficere solent, & tamē dum lubricitate sua perfluit
lingua, neꝑ contineri, neꝑ reprehendi potest. Apud
Lacedæmonios Palladis æreum delubrum est, a, quo
etiam cognominatur. Id cū quidam depeculati essent,
reperita est templi medio uacua lagena. facto itaqꝑ po
puli cō cursu, erat apud complures ambiguitas eam ob
rem maxima. At ex altantibus quidam si uultis (inquit)
quid mihi de lagena hac in mentem uenerit, explicabo.
Existimo enim sacrilegos huiuscemodi homines, cum
tantum periculi adituri essent, aconitum bibisse, ac ui
num propterea secum detulere, ut si rem perficerent, &
latere possent, mero ebibito, & ueneni ui dissoluta, atꝑ
extincta, liberati discederent. sin īterciperentur, expedi
to mortis genere, & sine doloris sensu, quæstiones, tor
mentaꝑ euaderent. Hæc cum dixisset, non eius qui cō
iectura, suspicionibusue, in re dubia īcertaꝑ niteretur,
sed omnia scientis, illis qui aderant, sententia hæc uisa
est. Idcirco undiqꝑ circumstantes, alius hinc, alius inde
urgere, inquirere, tu quis es? quis te in hac urbe nouit?
unde nam hoc scire adeo præcise potuisti? ac demum

deprehensus, & irretitus undiq; se unum ex his qui sacri-
 legium perpetraverant, esse confessus est. Ibici quoque
 interfectores, nōne in Theatro sedentes eodem modo
 intercepti fuere? Cum enim grues superuolarent, in ri-
 sum soluti, alius alii insusurrabant. Ecce Ibici ultrices
 adsunt. Quod uerbum a prope sedētibus exceptum, cū
 longo iam tempore Ibicus non compareret, & quæ-
 reretur, ad ciuitatis principes detulerunt. Hoc igitur pa-
 cto redarguti, & in uincula coniecti, non gruiibus, sed
 propriæ linguæ petulantia, tanquā furiis ultricibus agi-
 tati, mortem ei intulisse cōfessi sunt. Vt enim ad partes
 corporis male affectas, & dolentes, propinqua fluxu fe-
 runtur atq; descendūt, sic nugacis hominis lingua, cum
 semper inflammatione quadam pulsetur, ad sese occul-
 tum, secretumq; aliquid trahit, & colligit. Quapropter
 quasi obice quodam præmuniri eam oportet, ratio-
 nemq; ualli, propugnaculiq; loco illi opponere, atque
 hoc maxime artificio fluxum eius, labilem quæ intem-
 perantiam coercere, ne anseribus insipientiores esse ui-
 deamur. quas (aiunt) dum ex Cilicia Taurum montem
 aquilis refertum superaturæ aduolant, satis magnum la-
 pidem ore suscipere quasi claustrum, aut frænum ali-
 quod garrulitati imponant, atq; ita noctu, latētesq; ma-
 gno silentio superferuntur. Siquis percunctaretur, quis
 omnium scelestissimus, perditissimusq; inter homines
 esset, nullus certe alium, quā proditorem proponeret.
 Et tamen Euthycrates, ut ait Demosthenes, ex macedo-
 nicis trabibus insignem erexit domū, Philocrates auri-
 uim magnam accepit, quam scortando, obsonandoq;

nugaris lingua cum
 inflammatione qua-
 dam pulsetur, ad uer-
 ocultum secretumq;
 aliquid trahit.

profúdebat. Euphorbo, ac Philagro, qui Eretriã pro/
didere, agros concessit Rex. Nugator autem sine ulla
omnino mercede proditor uoluntarius est. Et tamen
nec equitatum, nec muros ciuitatis prodit, sed solum
quæ secreta esse oportebat, in iudicio, in seditionibus,
in repub. effert. nullusque propterea gratias illi agit,
quin potius si auditorem habere potuerit, gratias illi se
debere ultro existimat, adeo ut quæ ad prodigum, qui
nullo adhibito iudicio sua proiicit, & donat, dicta sūt,
Non tu benignus es, sed morbum pateris, donare gau/
des. ad garrulum commodissime transferri possunt. nō
propterea amicus es, quia hæc communicas, morbum
habet, nugari gaudes. Hæc autem admonitio, non
accusatio loquacitatis, sed medicina existimanda est.
Affectus enim nostros, iudicandi soletia & exercita/
tione superamus, sed iudicium præcedat oportet. Ne
mo enim assuefactione assequi poterit unquã, ut quod
non displicuerit prius, abhorreat animo. affectus uero
tunc abhorremus, quando probra, dispendiaq; ex ipsis
peruenientia mente, ac ratione perceperimus. Id quod
in præsentia usu uenire huiusmodi nugatoribus ui/
demus, qui amari uolentes, odio habentur, gratificari
cupientes, molesti sunt. cum se in omnium admira/
tione esse existiment, deridentur. Qui cum nihil lucren/
tur, consumunt sua, in amicos iniusti cum sint, inimicis
profunt, & se ipsos perdunt. Quocirca prima hæc cura/
tio & pharmacum huiusce affectus erit, si turpia, si cala/
mitosa quæ a nugacitate proueniūt, cōsiderauerimus.
Secunda item medicina adhibenda est, ut quæ contra

prodigum. non est
nugator es ad morbum
nugatoris gaudet

amicum nugatoris

nugaces identidē dici solēt, meminerimus, ac in prom-
ptu taciturnitatis laudes tenuerimus, & quā graue, quā
sanctū silētii arcanum sit, ante oculos habuerimus sem-
per. Quodq; maiori admiratione apud homines sūt, &
amantur magis, longeq; sapientiores existimantur, qui
rotunda breuitate utentes multum sententiæ modica
dictione cōprimunt, & includunt, quā qui redundantes,
& sine freno uerbofi sunt. Nā & Plato ipse tales p̄cipue
laudat, eosq; peritorū militū similes esse ait, qui crebra
& sana, cōtortaq; uerba loquuntur. Lycurgus quoq; ad
hāc dexteritatem, ciues statim a pueris assuefaciebat, ac
taciturnitate quodāmodo cōprimens spissiores redde-
bat. Quēadmodū enim Celtiberi ex ferro ipso tempe-
ramētū faciunt, cū terræ defossū, quod in eo terre-
stre erat, expurgauerint, sic laconicus sermo corticē nō
habet, sed eo quod superfluebat adempto, ad rem agē-
dam quodāmodo īcitatus acuit. Tale enī est apud eos
orationis genus, quod breue, concisumq; cū sit, oppor-
tuna conuersione adhibita, cōmode, & acute, ex diutur-
na silētii obseruatione ī colloctionibus resultat. Hæc
igit̃ & similia nugacibus proponere necesse est, qualē,
quantāq; gratiā, & uim p̄ferant ostēdere. Quale illud
est. Lacedæmonii Philippo. Dionysius Corintho. &
rursus cū ad eos scripsisset Philippus, si laconicū agrū
inuasero, funditus uos delebo. rescripserunt, Si quidem.
Rex etiam Demetrius, cum moleste ferret, unicum tan-
tum ad se oratorem misisse eos, ac propterea uociferās
crebro iactaret, unū ad me Lacedæmonii legauerunt?
nihil propterea deterritus orator, unū ait ad unū. Sēper

ac ille uerba innotuit innotuit

hæc p̄cipue innotuit ad
memoriam Regem: unus ad
unū

enim præcipua in admiratione fuerūt ueteres qui bre-
uiloquio studuere. Et in Apollinis pythii templo, non
Iliadē, Odysseamue, aut Pindari pæanas, Amphictyo-
nes inscripserūt. sed Nosce te ipsum. Ne quid nimis. Et
Fideiussionem detrimētum sequitur. Admirati quip-
pe sunt propositionum concinnam grauitatem, quo-
niam breuissima significatione rotundam sententiam
contineret. Ipse autem Deus nonne in ædendis oracu-
lis, & cōcisior est, & breuiloquentiæ affectator? propte-
reaq; contortus appellatur, quoniam nugacitatem po-
tiusquā obscuritatem declinat, & fugit. Inter homines
etiam nonne illi qui sine uocis ministerio, quæ oportebat,
per symbola enuntiaſſent, maxime laudantur, & in
admiratione sunt? Vt Heracletus, cum a ciuibus, ut ali-
quam de mutua concordia sententiam diceret, rogare-
tur, pulpitum ascendit, calicemq; frigida impleuit, &
farinam infudit, ac indice imiscuit & bibit, posteaq;
discessit. ut uidelicet eis significaret, q; qui in mediocri-
bus contenti fuerint, sumptuosissq; apparatibus mini-
me indiguerint, urbes in pace, concordiaq; seruabunt.
Et Scylurus rex Scytharum cui octoginta erant filii, cū
morti proximus esset, hastarū fascem afferri petiit, man-
dauitq; adolescentibus, ut itegrum, colligatumq; rum-
perēt. cūq; fatigati destitissēt, ipse singulatim lanceas
traxit, & nullo negotio fregit. quo facto fraternam con-
cordiam, beneuolentiamq; si in ea persisterent, munitā
insuperabilemq; sin discordia soluerentur, & debilem,
& instabilem futuram significauit. Igitur si quis hæc, &
huiuscemodi continenter dixerit, atque inculcauerit,

fortasse ab hoc nugandi pruritu, & uoluptate desister.
Me uero etiā seruus ille maxime incitat, ut rationi obtē
perare, ac in sentētia constantissime permanere, quale,
quantūq; sit, sæpe ac diu cogitem. P. Piso orator, cum
perturbari uerbis non sustineret, seruis mandauit, ut in
terrogati solum, & nihil amplius loqueretur. Post hæc
Clodium e proceribus, cum honorare uellet, inuitari
iussit, ac splendido ut æquum erat, apparatu hominem
erat suscepturus. Instante igitur hora, alii omnes uocati
aderant, Clodius autē adhuc expectabatur. Piso interea
nomenclatorem seruum, an adhuc ueniret, exploratum
sæpenumero mittebat, cūq; aduersperasceret, ac uentu
rus iam desperaretur, ad seruum conuersus, nōne ipsum
inquit uocasti? uocaui ait ille. quare igitur non uenit?
quia negauit. cur statim nō dixisti? quoniā hoc (inquit)
me non interrogasti. Hic itaq; seruus erat romanus. At
tricus uero etiam fessor, quibus conditionibus facta sit
pax, enarrabit, adeo in omnibus consuetudo maximū
est, de qua ut iam differere incipiamus, tempus admo
net. Non enim tāquam freno aliquo nugacis hominis
lingua coerceri potest, sed morbum consuetudine su
perari necesse est. Primum itaq; te ipsum assuefacias
oportet, ut aliquo ex assidentibus interrogāte, quousq;
omnes respondere destiterint, taceas. Vt enim Sopho
cles ait, sicut cō filii, & cursus, finis idem non est, ita nec
responsionis & uocis. Illic enim præcurrentis uictoria
est, hic autem si quod satis est, respōderit alter, appro
bando, laudandoq; beneuoli, modestiq; hominis fa
mam sibi ipsi uendicare optimum erit. sin non satis fe

adeo in omnibus consue
tudo maximum est.

cautio c. nugari.

cerit, tunc & docere quod ignoratur, & si quid desit,
supplere sine inuidia licet, idq; nullo modo intempe/
stium est. Maxime autem omnium cauere debemus,
ne dum interrogatur alter, præoccupemus, præcipia/
musq; responsum, & fortasse alias quoq; haud hone/
stum est, cū quid ab alio petitur, quasi alterum, e, loco
depellere uelimus, profiteri nos. simul enim existima/
re uidebimur quod petatum ab eo est, ipsum præstare
non posse, & eum qui petit, tanquam, a, quibus petere
oporteat inexpertum uituperabimus. est autem huiusce
modi audacia atq; temeritas maxime contumeliosa.
Qui enim hoc præoccupationis genere in responden/
do utitur, arrogātiā quandam præferre uidetur, ac
si diceret, quid nam homine hoc indiges? Quid enim
nouit? me autem præsentē, alium cur interrogare oportet?
Nam sæpenumero quosdam percunctamur, non
quia nobis responsione sit opus, sed colloquendi sua/
uitate, sermonis consuetudinem, ab his quibus cum lo/
quimur, elicere uolentes interrogare solemus, ut Theete/
tum, Charmidemq; Socrates prouocabat. Similis et/
enim ineptia est, responsionis locum alteri præripere,
ac mētem, auresq; alio conuersas ad se trahere. ac si quis
dum osculo suscipi, a, quopiam uoluerit, osculum tu
excipiēdo præoccupes. uel cum quis alterum aspi/
ciat, ipsum ad te inspiciendum conuertas. nam & si
forte interrogatus quis, respondere non possit, quū se
paululum continuerit, modestius faciet, ac deinde si
ita interrogans exegerit, moderate ac uerecunde, tan/
quā ad alienam euocationem inuitatus, sese componet.

apud in respondentem
ne præcipiat

sæpe oraculum efferre consuevit, nec mirum siquidem
Deus, cui ministerium exhibet,
Elinguem & tacitum, surdumq; intelligit unus.
At inter homines, qui concinne respondere uoluerit,
interrogantis mentem expectet necesse est, ut eius pro/
positū certissime assequi possit, ne quod in prouerbio
est, usu ueniat. solet enim de huiuscemodi usurpari,
Aliud petebam. Nā & alias fames ista, & ingurgitatio
nugandi expellenda est, ne tāquam lubricitas quædā
linguæ iam pridem insidens interrogationis sollicitudi
ne, libentissime efferri uideatur. Hoc modo & Socrates
sitim exturbare consueuerat, postquam enim sese exer
cuisset, sibi ipse bibere non permittebat, nisi prius cado
euacuato, alterum hauriret, ut pars irrationalis, rationali
obtemperare assuesceret. Tria ergo sunt quæ ad respon
siones pertinent, genera. Vnum necessarium. Alterum
benignius. Postremum superuacaneum. Verbi causa
interrogante aliquo, an intus sit Socrates, qui prom
ptus esse noluerit, quasi coactus respondebit, Non in
tus. quod si laconico etiam more uti uoluerit, & intus,
subticebit, solamq; pronuntiabit negationem, ut ipsi
Lacones, cum ab eis per litteras Philippus petiisset, an
ipsum intra urbem suscipere uellent, in charta maiuscu
lum, NON, rescripserunt. qui uero benignior fuerit,
intus non est, sed apud Mensarios respondebit. Et si
cumulatus addere uoluerit, aduehas ibidem expectat.
At ille superuacuos & nugax, & qui forsitan paulo ante
Colophonium Antimachum legerit, intus non est, in
quiet, sed apud Mensarios. hospites enim quosdam

non modo Socrates sedum et
utrumque consumerat

ingenium uia
necessarium benignius
aduenit

ionicos præstolatur, de quibus ad eū scripsit Alcibiades, qui Mileti est in præsenti, & apud Tisaphernē Regis magni Satrapem uersatur. is pridē Lacedæmoniis suppetias ferebat, nunc Alcibiadis causa ad Athenienses inclinare uidetur. Alcibiades enim in patriam redire cupiens, Tisaphernem in partes transtulit nostras. Et ut breuī concludam, octauum Thucididis librum duplicabit, & hominem inundatione quadam uerborum obruet, quousq; Miletum expugnatam, & secundo in exilium actū Alcibiadem enarrauerit. Idcirco in hisce nugacitas, præcipue in officio continenda est, & interrogatio tanquā per uestigium deducēda & calcaribus, interualloq; adhibito, ad interrogantis usum circumscribenda erit responsio. Cameadi, cum magnam apud homines auctoritatem adhuc non esset assecutus, aliquando in Gymnasio differenti, ut uocis contentionem remitteret, mandauit Gymnasii magister, erat enim uocalissimus, cumq; dixisset, tu igitur mihi mensuram uocis da, non inepte subiecit ille, eum apud quem loqueris, tibi do. Similiter etiam responsionis modus ad interrogantis referendus est uoluntatem. Et ut Socrates ab eo cibi, potionisq; genere cauendum esse monebat, quod nō famescētes ad edendū, non sitientes ad bibendum alliceret, sic etiam nugaci necesse est ab eo sermonis genere, quo præcipue delectatur, & usq; ad fastidium uti solet, maxime cauere, cumq; sese offerat, ac titillet, omnino aduersari. ut militares homines in pugnis numerandis dicaces sunt. Talem quippe Nestorem introducit poeta, nam crebro uictorias, & res gestas suas

nugacitas in q. interrogatio

cauendū uocalissimus

usurpat. eos etiam qui causam in iudicio, industria, so-
lertiaq; ppria obtinuerint, aut præter spem apud Prin-
cipes uel Reges grati, acceptiq; fuerint, nugacitas tâquã
morbus quidã facile comitat, & sequitur, ut cõmemo-
rent, narrentq; milies, quomodo introierint, adducti
sint, certauerint, disseuerint, aduersarios, accusatoresq;
redarguerint. Postremo quibus uerbis laudati fuerint,
sæpe repetât. Lætitia enim exuberãs, Vigilãtia illa, quæ
in comoedia inducit, loquacior est. Dum enĩ se ipsam
sæpe excitat, in narrationibus noua recentiorq; semper
assurgit. Idcirco ad omnẽ occasionem, in huiuscemo-
di sermones quasi lubrico in loco stantes labuntur. non
solum enim ubi quis doluerit, ibidem & manũ habet,
uerum ubi uoluptas est in loquẽdo, uocem ad sese alli-
cit, & linguam ad id circũducit, quod semper memo-
riæ inhæreere cupit. nam & amatoribus etiam maxima
incunditas est in eo sermonum uersari genere, quo rerũ
amatarum memoria refricetur, adeo ut quando cũ ho-
minibus id agere non possint, cum inanimatis loquun-
tur. O dulcis leſtule, Bachis te deum putat. Lucerna fe-
lix, dearum maxima, siquidem huic talis uideris. Enim
uero ad omnia loquendi genera alba regula (ut in pro-
uerbiis est) solet esse nugator. uerum tamen quoniam
in quibusdam peculiarius affici uidetur, ab illis cauere
ac omnino cõtinere se ipsum debet, & quã longissime
potest, ab ea cantilena abesse, quæ uoluptatẽ longiuscu-
le deducendi sermonis inducat. Idem quoq; nugatores
patiuntur, dum in sermonem earum rerum incidunt,
in quibus pro usu, & experiẽtia, alios habitu se antecel-

quod dicitur manu nã
et in uoluptas e in quibus
et de se ipsis allusio

nam in eo uerba sunt
et in quibusdam
et in quibusdam

lere putauerint. Cum enī huiuscemodi homo se ipsum amat, gloriæq; cupidior sit, ut cæteris excellentior esse uideatur, plurimam diei partem in hoc genere consumit. Qui multæ lectionis est in historiis, in arte grammatica, qui per orbem terrarum uagando errauerit, in extraneorum moribus enarrandis immoratur. quapropter hæc maxime cauenda sunt, irretitur enim huiuscemodi uoluptate nugacitas, & tanquam animal quoddā brutum, ad cōsuetā pabula suapte procedit. Mihi uero admirabilis uidetur Cyrus, quoniam ita cum æqualibus certabat, ut eos non in quibus melior ipse, sed ubi indoctior, minusq; expertus esset puocaret, ne scilicet uictus, si ita casus tulisset, dolore afficeretur, & ipse interea discendo proficere posset. At nugax omnia contra; si enim sermo ex quo doceri possit, inciderit, uel occasio aliqua occurrat, ut aliquid quod prius ab eo ignoratum est, interrogare ualeat, eam quam primum expellit, & excludit, nec breuem sibi ipsi taciturnitatis mercedem comparare sustinet. sed ad extraneas, & a multis iam inculcatas sermonum cōcinnationes quasi circulator defertur, ut apud nōs quidā, dum casu duos, tresue historiarum Ephori libros legisset, omne genus hominum quodammodo excruciebat, & conuiuia omnia funditus euertebat, cum semper Leuſtricam pugnam, & quæ sequuntur, usque ad fastidium enarraret. ideo Epaminundæ cognomen sortitus est. Verum tamen hoc minimum in eo malorū omnium erit, quin potius ad huiuscemodi studia nugacitatem conuerrere operæ pretium est. Minus enim in loquacitate turpi-

tudinis inesse uidebitur, si studiosis, literatisq; sermonibus recensendis immodica fuerit, talesq; ut priuatim scribant, ac sine auditoribus differant, adhortandi sunt. Antipater stoeicus, cum neq; uellet, neq; posset, ut uideretur coram disputare cum Carneade qui summa eloquentia præditus, ut torrens quidam in stoicos ferebatur, quotidie in eum scribebat. & quia de ratione differendi, argumentandiq; contra ipsum Carneadem multa ineptiora uolumina ædidi, Calamoboans est appellatus. Nugæ uero, si ab assidentis populi uoce se ipsum ablegauerit, hæc umbratilis, & domestica scribendi ratio eum minus molestum his, cum quibus uersabitur, fortasse reddere poterit. Nam & Canes, cum iram in saxa, lignaq; effuderint, hominibus minus nocent. Proderit etiã ipsis maxime, si cum melioribus, aut senioribus uersentur semper. Dignitatem enim eorum quibuscum erunt, uerebuntur, proptereaq; in officio, & consuetudine tacendi se continebunt. Oportet etiam implicitos imbutosque assuefactione illa nos esse, ut cum quid dicturi sumus, & iam uerba ad os usque percurrerint, ratione ac iudicio adhibito, nos ipsos alloquamur, in hæc prope modum sententiam. Quod nam est hoc uerbum, linguæ insidens, ac uim inferens? Ad quid in linguam appulsum est? si id dixerimus, quid assequemur boni? sin tacebimus, quid eueniet mali? Neq; enim sermo tanquam pondus aliquod aggrauans deponendus est, si quidem etiam cum prolatus fuerit, similiter manet. aut enim dum aliquo modo indigent sui ipsius causa, uelut auditoribus emolumento sint, loquuntur homines, aut

*240, si uim munit
sumus, suo uersum*

conciliandæ inuicem uoluptatis, & gratiæ ratione, iucū
 diore sermonum uice, locum in quo uersantur, uel ne-
 gotium quod agunt, tanquam salibus quibusdam cō-
 dire solēt. Quod si nec dicēti utilitas, nec auditorib. ne-
 cessitas, nec uoluptas, aut gratia ex eo quod locuturi su-
 mus, resultauerit, quam ob causam dicitur? Nam aduer-
 bia illa, Fultra & Incassum, nō minus ī uerbis, quā rebus
 inesse usu compertum est. Ante omnia tamē & in hisce
 omnibus illud Simonidis in promptu habere, & memi-
 nisse debemus. Aiebat enim se quod locutus esset, sæ-
 penumero poenituisset, quod tacuisset, nunquam. Illud
 etiam cordi teneamus, q̄ exercitatio omnes difficulta-
 tes uincit, & superat, siquidem tussim, atq; singultum
 homines adhibita diligentia magno cum labore, ac do-
 lore, quasi per uim sæpe expulerunt. Taciturnitas autē,
 non solum res minime siticulosa, ut Hippocrates ait,
 uerum etiam sine moeroris, dolorisq; sensu est.

*Simonides ait se quod locutus
 esset poenituisset, quod tacuisset,
 nunquam.*

F I N I S.

R O M A E I N A E D I B V S
F. M I N I T I I C A L V I
N O V O C O M E N S I S
A N N O M . D X X I I I L
M E N S E
A P R I L I .



